

Бухоро шаҳри

«25» 01 2022 й.

Ушбу шартномани «Бухоро сув таъминоти» МЧЖ Бухоро шаҳар филиали, кейинги ўринларда «Сув таъминоти» деб юритилади. Низом асосида фаолият юритувчи раҳбари Б.Т.Темиров шахсида, бир томондан ва кейинги ўринларда «Истеъмолчи» деб юритилувчи Бухоро вилояти автомобиль йўллари ҳудудий бош бошқармаси номидан иккинчи томондан низоми асосида иш олиб боровчи директори Ш.М.Абдуллоев иштирокида қуйдагилар ҳақида тузилди:

I. Шартнома предмети

1.1. 2022 йил 1-чорақда сув етказиш ҳажми учун тузилган шартномага мувофиқ юридик ташкилотлари (бундан буён матинда II гуруҳ «Истеъмолчи» лари деб юритилади) учун сув етказиш 2 197 624 (икки миллион бир юз тўқсон етти минг олти юз йигирма тўрт) сўм нарх бўйича 497,2 м³ни:

1м³ ичимлик сув учун 4420.0 сўм (+ҚҚС 15%), + — сўм (махсус устама ҳақи);

1 м³ оқова сув учун — сўм (+ҚҚС 15%), + — сўм (махсус устама ҳақи)ни ташкил қилмоқда.

Шу тарика шартноманинг умумий қиймати 2 197 624 (икки миллион бир юз тўқсон етти минг олти юз йигирма тўрт) сўмни ташкил қилди.

Шу жумладан, бюджет маблағларидан 2 197 624 (икки миллион бир юз тўқсон етти минг олти юз йигирма тўрт) сўм, бюджетдан ташқари маблағларидан 0 сўм бюджетдан ташқари маблағлардан тўланиши кўзда тутилган.

II гуруҳ истеъмолчилари Қоидаларда белгиланган тарзда «Сув таъминоти» томонидан тақдим қилинган ҳисобварақ-фактураларга асосан, Молия вазирлиги Ҳазначилиги орқали Сув таъминоти ва оқова сувини чиқариш учун ўтказилган маблағлар орқали амалга оширилади.

1.2. «Сув таъминоти» «Истеъмолчи»ни сифатли ичимлик сув билан таъминлаш ва «Истеъмолчи»дан оқова сувларни қабул қилиб олиш мажбуриятини ўз зиммасига олади.

1.3. «Истеъмолчи» «Сув таъминоти»га ичимлик ва оқова сув хизматлари учун тўловларни ҳар ойнинг 10 санасигача 100 фоизлик олдиндан ҳақ тўлаш тариқасида амалга ошириш мажбуриятини ўз зиммасига олади.

1.4. Тарафлар ушбу шартноманинг ичимлик ва оқова сув хизматлари бўйича шартларини бажариш, Ўзбекистон Республикасининг қонунчилиги талабларига, Ўзбекистон Республикаси Вазирлар Маҳкамасининг 2014 йил 15 июлдаги 194-сонли қарори билан тасдиқланган «Истеъмолчиларга сув таъминоти ва оқова сувни чиқариш хизматлари кўрсатиш Қоидалари»га (кейинчалик матнда – Қоидалар деб юритилади), ҳамда маҳаллий ҳокимият томонидан тасдиқланган махсус устама ҳақи 1м³ ичимлик сув учун 4420.0 сўм, 1м³ оқова сув хизмати учун — сўм билан бирга «Сув таъминоти» томонидан тақдим қилинган ичимлик ва оқова сув тизимига уланиш учун рухсат этувчи ҳужжатларга риоя қилиш мажбуриятини ўз зиммасига оладилар.

II. Умумий қоидалар

2.1. «Истеъмолчи» «Сув таъминоти» ташкилоти рухсати билан ва у техник имкониятларни мавжуд деб топган ҳолатларда, ўз тасарруфидаги ичимлик ва оқова сув тармоқларига, иншоот ва қурилмаларга субистеъмолчиларнинг уланишига рухсат бериш ҳуқуқига эга.

2.2. «Истеъмолчи» билан субистеъмолчи ўртасида тўлов масалаларида пайдо бўладиган низолар «Сув таъминоти» ташкилоти томонидан кўриб чиқилмайди.

2.3. Агар «Истеъмолчи» ва унга уланган субистеъмолчи турли гуруҳ ва тоифали истеъмолчиларига мансуб бўлса, «Сув таъминоти» ташкилоти билан шартномани «Истеъмолчи» ҳам, субистеъмолчи ҳам тузади ва сувни ҳисобга олиш приборини ўрнатиш ҳар иккаласи учун ҳам мажбурий ҳисобланади.

2.4. Ичимлик сувдан дов-дарахтларни суғориш учун фойдаланилишига қуйдаги татисно ҳолатларда йўл қўйилади: ирригация суви бўлмаганда, сув таъминоти ташкилоти қуввати мавжуд бўлганда ва маҳаллий давлат ҳокимияти органлари томонидан тасдиқланган жадвал бўйича, фақат тунги вақтда (соат 00–00 дан соат 05–00 гача) йўл қўйилади.

2.5. Ичимлик ва оқова сув хизматидан истеъмолчи ҳўжалик-истеъмол, маиший эҳтиёж ва ёнғинларни ўчириш ҳамда технологик ва ишлаб чиқариш жараёнлари учун фойдаланилади.

2.6. Сувни ҳисобга олиш приборлари Ўзбекистон стандартлаштириш, метрология ва сертификатлаштириш агентлиги томонидан текширилиб пломбаланади, ҳамда «Сув таъминоти» томонидан пломбаланиши лозим. Шунингдек, ичимлик сувини ҳисобга олиш приборини ечиш, киёслашдан ўтказиш ва ўрнатиш қонунчилиқда белгиланган тартибда амалга оширилади.

2.7. «Истеъмолчи»га ўрнатилиши лозим бўлган сув ўлчаш приборининг шартли ўтказгичининг диаметри (калибри) ҳисоб-китоб асосида аниқланади, объектнинг максимал сув истеъмоли ва минимал сув истеъмолига текширилади ҳамда «Истеъмолчи» билан келишилади. Ҳисоблаш прибори учун ўрнатилган минимал истеъмол миқдоридан кам миқдорда сув истеъмол қилинганда, «Сув таъминоти» ходими сув ўлчаш тармоғини қайтадан қурилма билан таъминлаш учун кўрсатма беради, ушбу кўрсатма бажарилмаганда, ҳисоблаш приборининг кўрсаткичлари қабул қилинмайди ва ҳисоблаш Қоидаларда ўрнатилган тартибда амалга оширилади.

2.8. Ичимлик ва оқова сув хизматлари хўжалигининг кайта таъмирлаш (реконструкцияси), ҳисоблаш приборларини ишга тушириш, ҳисоблаш приборларини алмаштириш, янги субистеъмолчиларининг уланиши «Истеъмолчи» томонидан фақат «Сув таъминоти» тарафидан тасдиқланган техник шартлар ва лойиҳа асосида амалга оширилиши мумкин бўлиб, улар «Истеъмолчи»нинг сўровномаси асосида, барча тасдиқловчи ҳужжатларни илова қилган ҳолда берилади. «Сув таъминоти»дан олинган техник шартлар асосида, «Истеъмолчи» буюртмасига асосан, амалдаги меъёр, қоидалар ва бошқа меъёрий ҳужжатлар асосида ишлаб чиқилади.

2.9. Қурилган уламаларнинг ишга туширилиши «Сув таъминоти» томонидан, «Истеъмолчи» ва қурилиш ташкилот вакиллариининг иштирокида амалга оширилади.

2.10. Ичимлик ва оқова сув хизматлари учун тарифлар ва устама ҳақ миқдори ўзгарган санасидан қатъи назар, ушбу хизматлар юзасидан «Истеъмолчи» билан тузилган шартнома ўз қучини сақлаб қолади ва «Истеъмолчи» кўрсатилган хизматлар учун, янги тарифлар асосида, улар киритилган санадан эътиборан тўловларни амалга оширилиши шарт.

2.11. Қуйидагилар «Сув таъминоти» ташкилотлари билан «Истеъмолчи»лар шу жумладан, хусусий уй-жой мулкдорлари ширкатлари ўртасидаги, ичимлик ва оқова сув хизматлари тармоқлари, иншоотлари ҳамда қурилмаларига хизмат кўрсатиш, уларнинг техник ҳолатини сақлаш ва фойдаланиш юзасидан жавобгарлик чегаралари ҳисобланади:

а) ичимлик сув истеъмоли учун — тармоққа уланишини узиб қўювчи кириш қулфи. Кириш қулфи билан ичимлик сувга уланиш, «Истеъмолчи»нинг ички ичимлик суви тизимининг бир қисми ҳисобланади;

б) оқова хизмати учун — «Истеъмолчи» оқова тизимининг ички қисми ҳисобланувчи, магистрал оқова тармоғига уланиш нуқтасидаги чиқарув кудуги. Агар чиқарувчи оқова кудуги (камераси) магистрал оқова тармоғида жойлашган бўлса, ушбу кудук «Сув таъминоти» ташкилоти оқова тармоғининг бир қисми ҳисобланганиб, унга туташтирувчи фойдаланиш чизиги эса «Истеъмолчи»нинг маблағлари ҳисобидан амалга оширилади.

III. Тарафларнинг ҳуқуқ ва мажбуриятлари

3.1. «Истеъмолчи»нинг ҳуқуқлари:

3.1.1. Тегишли сифат даражасидаги ичимлик сув ва оқова сув тармоқларига хизмат кўрсатиш талабларини бажармаганлиги учун «Сув таъминоти» ташкилотидан қонунчиликда ва шартнома шартларида кўрсатилган миқдорда жарима (пеня)лар тўлашни талаб қилиш;

3.1.2. «Сув таъминоти» ташкилотини шартномани бекор қилиш тўғрисида, унинг бекор қилинишидан камида 15 кун олдин огоҳлантирган ҳолда ва ушбу муддатда Сув таъминотини ёки оқова сувни чиқариш бўйича кўрсатилган хизматлар учун тўловларни тўлиқ амалга оширган ҳолда шартномани бир томонлама бекор қилиш;

3.1.3. Ичимлик ва оқова сув хизматлари учун амалга оширилган тўловларнинг ҳолати, қарзларнинг йўқлиги ҳақидаги маълумотлар ва маълумотномани шахсан ёки ўз вакили орқали бепул олиш;

3.1.4. «Сув таъминоти» ташкилотидан ичимлик ва оқова сув хизматлари ҳажми ва сифати, уларни амалга ошириш шартлари, тўловлар тарифи ва тартибларининг ўзгариши ҳақидаги маълумотларни бепул олиш;

3.1.5. Ичимлик ва оқова сув хизматлари кўрсатилмаётганлиги ёки уларнинг паст сифатда эканлиги тўғрисидаги далолатнома тақдим этилгандан кейин 18 соат мобайнида «Сув таъминоти» ташкилотидан носозлик ва камчиликларни бартараф этиш бўйича маълумотларни олиш;

3.2. «Истеъмолчи»нинг мажбуриятлари:

3.2.1. Оқова тармоғида авария бўлган тақдирда ертўла хоналарини сув босишидан сақлайдиган барча ўчирувчи қурилмаларнинг бут сақланганлиги, ишга яроқлилиги ва нормал техник ҳолатда бўлишини таъминлаш;

3.2.2. Истеъмолчига қаршли санитария асбоблари, оқова тармоқлари, иншоот ва қурилмаларда тамбанинг йўқлиги, ревизияларнинг зич ёпилмаслиги, носоз техник ҳолати туфайли истеъмолчининг оқова тармоқларида ёки «Сув таъминоти» ташкилотида, ичимлик сув ва оқованинг ташқи тармоқларида авария (тикилиб қолиш, сув босиш) содир бўлиши сабабли ертўла хоналарини сув босиши оқибатида етказилган зарарни қоплаш;

3.2.3. «Сув таъминоти» ташкилоти билан ҳисоб-китоб қилиш учун фойдаланиладиган сувни ҳисобга олиш прибори, айланма линия зулфини, ёнғин зулфинлари, гидрантлар ва унинг ҳудудида ёки тасарруфида бўлган ҳамда «Сув таъминоти» ташкилоти томонидан пломбаланган бошқа ичимлик сув қурилмаларидаги пломбаларнинг бутлиги ва сақлаш;

3.2.4. Шаҳар сув билан таъминлаш ёки оқова сувларни узатиш тармоғига уланишдан олдин, «Сув таъминоти»дан белгиланган тартиб асосида (ДХМнинг хати асосида) Техник шартларини олади, унга сув таъминлаш ёки оқова сувларни узатиш тармоғининг ва ўзига тегишли шаҳар сув тармоғига уланган барча объектларнинг жойлашиш лойиҳасини тақдим этади. «Истеъмолчи» шаҳар сув ёки оқова сувларни узатиш тармоғига уланиш ёки ундан узилиш харажатларини ўз зиммасига олади.

3.2.5. «Сув таъминоти» ташкилотига ичимлик ва оқова сув тармоқлари, иншоотлари ва қурилмаларининг шикастланиши туфайли етказилган зарар учун қонунчиликда белгиланган тартибда жавобгарлиқни буйнига олади;

3.2.6. Шаҳар сув тармоғига уланган ҳар бир қувурига сув ўлчаш йиғмаси (сув ўлчаш ва сув тутқич асбоби)ни Қоида асосида қулай ва ҳимояланган жойда, ўрнатиладиган сув ўлчагич шартли ўтказмаси (калибри)нинг диаметри «Сув таъминоти»нинг ҳисоб-китоби билан аниқланиб, объектнинг максимал ва минимал сув истеъмоли текширилгач, тегишли рухсатнома берилгач ўрнатишни амалга оширади. Сув ўлчагич йиғмасини харид қилиш ва уни ўрнатиш билан боғлиқ барча сарф харажат «Истеъмолчи» зиммасига бўлиб, у

сув ўлчагич қурилмаси, унинг техник соз ҳолати бўйича жавобгар ҳисобланади ва ўлчагични Давлат стандарти кўригидан ўтказиш сертификатини амал қилиш муддати ўтишидан 1 ой олдин бу ҳақда хабар беради, ўлчагични турига қараб, ичимлик сувини ҳисобга олиш ускунасини ечиш, киёслашдан ўтказиш ва ўрнатиш тартиби қонунчиликда белгиланган тартибда амалга оширилади. «Истеъмолчи»га бу учун 1 ой муҳлат берилади, белгиланган муддат ичида киёсловдан ўтказилмаган тақдирда сув сарфи шартномани 6.2 бандига асосан ҳисобланади.

3.2.7. Истеъмолчи сув ўлчагич йиғмасидаги муҳрларнинг сақланишини назорат қилади ва бузилган ёки сув ўлчагич ишдан чиққан ҳолларда «Сув таъминоти»га зудлик билан ёзма равишда хабар беришни ўз зиммасига олади. Хабар берилмаган тақдирда ёки «Сув таъминот» ходимлари томонидан аниқланган ҳолатда сув сарфи белгиланган тартиб асосида ҳисобланади (шартноманинг 6.2 банди). Сув ўлчаш асбоблари «Ўзстандарт» органлари ёки уларнинг ваколатли корхоналари томонидан текширилишини, муҳрланишини ҳамда доимий текширувидан ўтишини ўз ҳисобидан таъминлайди. Сув ўлчаш асбобини таъмирлаш ёки алмаштириш, текшириш мақсадида ечиб олишдан олдин «Сув таъминоти»сув ўлчагични охириги кўрсатмаларни ёзма тасдиқлайди.

3.2.8. Ичимлик суви таъминотининг ёнғинга қарши тизимидан фойдаланиш тўхтатилганда «Истеъмолчи» 24 соат мобайнида «Сув таъминоти» ташкилотига тамга узилгани тўғрисида далолатнома тақдим этиши ва зулфинларни тамгалаш учун «Сув таъминоти» ташкилоти вакилини чақириш шарт.

3.2.9. Мазкур шартнома имзоланиши жараёнида ўз қарори ва буйруғи билан (келгусида ўзгарган ҳолатида) ички сув етказиш тармоғига, сув ўлчагич асбобларига ва корхона ҳисоботларини тақдим этиш учун масъул бўлган жавобгар шахсини тайинлаб, «Сув таъминоти»га уларни тақдим этади. Истеъмол даври бошланиши ва келгуси ҳар йил бошида ойлик сув истеъмол миқдорини «Сув таъминоти» билан келишиб, тасдиқлайди.

3.2.10. «Сув таъминоти» вакилини сув ўлчаш асбоби ўрнатилган жойини ва сув тармоғини исталган пайтда бирор бир тусқинликсиз кўздан кечиришни таъминлаши шарт. Акс ҳолда жорий ой учун сув сарфи шартномани 6.2 бандига асосан ҳисобланади.

3.2.11. Шаҳар сув тармоғига ноқонуний улангани, фойдаланилаётган сув ускуналарининг носозлиги ва ўз ҳудудидаги ичимлик сувидан беҳисоб, тежамсиз сарфлангани учун «қондалар» асосида жавоб беради.

3.2.12. «Сув таъминоти» билан тузилган шартномага мувофиқ мажбуриятларига риоя қилиш, ҳар ойнинг 20 дан 25 гача санасида кўрсаткичларни ўз вақтида ва аниқ ечиб олиш ҳамда ушбу кўрсаткичларни «Сув таъминоти»га кечикмаган ҳолда ҳисобот ойда сарфланган ичимлик суви бўйича ваколатли шахслар томонидан имзоланиб, муҳри билан тасдиқлаган ҳисоботни топширади, ичимлик сувини етказиб бериш ва оқова сувларни қабул қилиш хизматлари учун амалдаги тарифлар асосида «Сув таъминоти»нинг ушбу шартнома бўйича кўрсатилган бошқа хизмат тўловларини ўз вақтида тўлаб боради. Ҳисобот белгиланган муддатда топширилмаганида шартноманинг 6.2 бандига асосан ва ёки ундаги маълумотлар камайтириб кўрсатилган ҳолларда эса ичимлик сув сарфи ҳисобот даври учун шартноманинг тегишли бандига асосан қайта ҳисобланиб, тўловга қабул қилинади. Агар ҳисобот тақдим этиш жараёнида, «Сув таъминоти» ходими унда хатоликлар аниқлаб, тузатиш киритиб, нусхасини қайтаради. Истеъмолчи томонидан мазкур ўзгартириш, тузатишлар асосида ўзининг ҳисоботларини 3 кунлик муҳлатда «Сув таъминоти»га қайта тақдим этиши шарт, акс ҳолда бу тузатишлар билан топширилган ҳисобот асосли, ҳақиқий деб ҳисобланишига олиб келади ва фойдаланилган миқдор учун тўловни амалга оширилишини талаб қилишга асос ҳисобланади.

3.3. «Сув таъминоти» нинг ҳуқуқлари:

3.3.1. «Сув таъминоти» ташкилоти, истеъмолчини 7 кун аввал ёзма равишда огоҳлантирган ҳолда, қуйидаги ҳолатларда сувни узатиш ва оқова сувларни қабул қилишни тўлиқ ва қисман тўхтатиши мумкин:

а) «Истеъмолчи»га тегишли ва унинг тасарруфида бўлган ичимлик ва оқова сув тармоқлари, қурилма ва иншоотларнинг техник ҳолати қониқарсиз бўлганда ва «Сув таъминоти» ташкилоти вакиллари томонидан аниқланган техник фойдаланишдаги хатоликларни бартараф этиш бўйича «Сув таъминоти» ташкилоти талаблари истеъмолчи томонидан бажарилмаганда;

б) «Сув таъминоти» ташкилот мансабдор шахси истеъмолчининг сувни ҳисобга олиш узели, ичимлик ва оқова сув тармоқлари, қурилмалари ва иншоотларини назорат қилиш ҳамда сувни ҳисобга олиш прибори кўрсаткичларини қайд этиш, пломбаларни ўрнатиш мақсадида кўздан кечириш, белгиланган лимитдан кўп сарф қилинганда сув беришни мувофиқлаштириш ва «Сув таъминоти» ташкилоти нарядлари бўйича бошқа ишларни бажариш учун келганда истеъмолчи томонидан асоссиз равишда киритилмаганда;

в) «Сув таъминоти» ташкилоти томонидан истеъмолчи уланган ичимлик ва оқова сув тармоқлари, қурилмаларида режали-огоҳлантириш тарзида таъмирлаш ҳамда хизмат кўрсатиш ишлари ўтказилганда, шунингдек, янги истеъмолчиларни улаш ишлари амалга оширилганда;

г) «Истеъмолчи» тасарруфида бўлган ичимлик ва оқова сув тизимлари ёки тармоқларига субабонентларнинг ўзбошимчалик билан улангани аниқланганда;

д) «Истеъмолчи» томонидан ичимлик ва оқова сув хизматлари учун белгиланган муддатларда ҳақ тўланмаганда;

е) «Истеъмолчи»нинг тасарруфида бўлган ичимлик ва оқова сув тармоқларига, қурилмаларига «Сув таъминоти» ташкилотидан уланиш учун белгиланган тартибда рухсатнома олган субабонентларнинг тегишли тартибда уланиши рад этилганда;

ё) «Истеъмолчи» томонидан шартнома шартлари бажарилмаганда ва у окимилаётган оқова сувлар миқдори ва таркиби бўйича шартларга риоя қилмаганда.

3.3.2. Сув ўлчаш асбобларнинг кўрсаткичини, уларнинг мухрини сақланишини ва бутунлигини кузатиб боради. Аниқланган камчиликлар юзасидан «Истеъмолчи»нинг вакили иштирокида далолатнома тузади ва «Истеъмолчи»га амал қилиш учун кўрсатмаларни беради. «Истеъмолчи» юқорида кўрсатилган ҳужжатга қўл қўйишдан бош тортса, далолатнома нусхаси унга топширилиб, бунда у ўзининг ёзма эътирозини асослаб 2 кунлик муддатда такдим этиши шарт, акс ҳолда бир томонлама тузилган далолатнома қонуний ҳисобланиб, мазкур ойда ҳисоб китоб учун ҳисобхонага тўлов ундиришга қабул қилинади. Агар келгусида мавжуд қарздорлик ихтиёрий тўланмаса, ҳужжатлар иқтисодий судига белгиланган тартибда мурожаат қилишга асос бўлади

3.3.3. «Сув таъминоти» ташкилоти қуйидаги ҳолатларда олдиндан хабар қилмасдан сув узатишни тўлик ёки қисман тўхтатишга ҳақли:

- а) «Сув таъминоти» ташкилотининг электр таъминоти тўхтатилганда;
- б) Табиий офатлар рўй берганда;
- в) Авария ҳолатларида;
- г) Ёнғин чиққан жойларга сув узатишни қўпайтиришга зарурат туғилганда.

3.4. «Сув таъминоти»нинг мажбуриятлари:

3.4.1. Сув таъминоти ва оқова сувни чиқариб юбориш юзасидан шартнома шартларини бажариш;

3.4.2. Ичимлик ва оқова сув тармоқларининг техник ҳолатини мунтазам равишда назорат қилиб бориш;

3.4.3. Тармоқдаги ичимлик сув сифати мониторингини олиб бориш;

3.4.4. Истеъмолчиларнинг ичимлик ва оқова сув тизимларига уланган ичимлик сув ва оқова тармоқлари, иншоотлари ҳамда қурилмаларининг ҳолатини ва улардан фойдаланилишини мунтазам равишда назорат қилиб бориш, улардан самарали фойдаланишни ташкиллаштиришда истеъмолчиларга амалий ёрдам кўрсатиш;

3.4.5. Истеъмолчилар томонидан сувни беҳуда сарфининг олиндини олиш, саноат корхоналари ва уларга тенглаштирилган корхоналарда сув бериш бўйича белгиланган лимитларга риоя қилинаётганини мунтазам равишда назорат қилиш;

3.4.6. Сув истеъмоли белгиланган меъёр (лимит)лардан ортиб кетган ҳолатларда «Сув таъминоти» ташкилотларига белгиланган тарифларга нисбатан орттирилувчи 10,0 коэффициентни қўллаш;

3.4.7. Оқова сув тизимида оқизилаётган оқоваларнинг сифати мониторингини таъминлаш;

3.4.8. Шартнома шартларига мувофиқ ўз мажбуриятларини бажара олмаган ҳолатларда истеъмолчига пеня ҳисоблаш;

3.4.9. Истеъмолчиларнинг шартнома шартларига риоя этилмагани масаласи бўйича суд органларига мурожаат қилиш;

3.4.10. Ичимлик ва оқова сув хизматлари тарифларидаги ўзгаришлар ҳақида улар амалда жорий қилинишидан 15 кун аввал оммавий ахборот воситалари ёрдамида истеъмолчиларни хабардор қилиш;

3.4.11. Ичимлик ва оқова сув хизматларини кўрсатишда рўй бериши мумкин бўлган режали тўхтатиш ва узилишлар ҳақида истеъмолчилар узилишлар бошлангунгача 10 иш кунидан кечикмай огоҳлантириш.

IV. Тарафларнинг жавобгарлиги

4.1. «Сув таъминоти» ушбу шартномага мувофиқ мажбуриятларни бажармасликда ёки лозим даражада бажарилмаган ҳолларда келиб чиққан зарарни, «Истеъмолчи» эса айбли қилмиши оқибатида етказилган ҳақиқий зарар ўрнини қоплаши шарт.

4.2. «Истеъмолчи» қуйидагилар учун жавобгардир:

а) Ичимлик сувни ҳисобга олиш асбоби тамгалари бутлиги, айланиш чизиғи жўмраги, гидрант ва бошқа сув узатиш мосламаларидаги қисмларининг ҳудудида ва тасарруфида бўлган тамгаланган ҳисоблаш қурилмаларининг бутун сақланиши учун;

б) Сув тармоқларига ўзбошимча уланиб олиш, совуқ сувни ҳисобга олиш қурилмаларининг қасддан бузилишига йўл қўйиш ҳамда сув ҳисоблаш асбобларидаги кўрсаткичларни ташқаридан аралашган ҳолатлари учун;

в) Ўзбошимчалик билан қурилган иншоотлар сабабли тармоқлардаги авариялар бўлган ҳолатларда;

г) Дренаж тизми мавжуд бўлса «Истеъмолчи» ҳудудида жойлашган оқова тармоғига ёмғир ва эриган қор сувларнинг тушишига йўл қўймаслик. Ушбу қоидабузарлик аниқланганда «Сув таъминоти» ўрнатилган тартибда далолатнома тузади ва ушбу далолатнома «Истеъмолчи»нинг масъулият ва жавобгарлик чорасини белгилаш учун асос бўлиб хизмат қилади;

д) Қонунчиликда ўрнатилган бошқа ҳолларда.

4.3. «Сув таъминоти» қуйидаги ҳолларда жавобгардир:

а) Амлдаги меъёрий-ҳуқуқий ҳужжатларнинг талабларига мувофиқ ва қонунчиликда кўзда тутилган бошқа ҳолларда;

б) «Истеъмолчи»нинг ҳаёти, саломатлиги ва мол-мулкига етказилган зарар учун қонунчиликда ўрнатилган тартиб ва миқдорда;

в) Шартнома шартлари ва юклатилган мажбуриятларни бажармаслик.

V. Сув таъминоти ва сув чиқариш хизматлари учун ҳисоблар ва тўловларнинг тартиби

5.1. Ичимлик ва оқова сув таъминоти тизимидан чиқарилган (қабул қилинган) сувнинг ҳисоби ҳисоблаш прибори мавжуд бўлганда, ҳисобга олиш приборининг кўрсаткичларига мувофиқ амалдаги тарифлар бўйича ҚҚСни ҳисобга олган ҳолда амалга оширилади.

5.2 «Истеъмолчи» ичимлик ва оқова сув хизмати учун ҳисобга олиш приборлари мавжуд бўлганда охириги уч ойнинг ўртача сарфи бўйича кейинги ой учун ҳар ойнинг 10-санасига қадар 100 фоиз олдиндан ҳақ тўлашни амалга оширишлари лозим.

5.3 Тўловнинг шартномада белгилангандан кечиктирилган ҳар бир куни учун истеъмолчи 0,4 фоиз пеня тўлайди. Аммо бу кўрсаткич жами кечиктирилган сумманинг 50 фоизидан ошмаслиги лозим.

5.4 «Истеъмолчи» кейинги ой учун ҳар ойнинг 10-санасига қадар 100 фоиз олдиндан ҳақ тўловларини амалга оширмасалар, истеъмолчиларни ёзма равишда хабардор қилган пайтдан бошлаб беш иш куни ўтгандан кейин қарзларни қонун ҳужжатларида белгиланган тартибда истеъмолчиларни ичимлик сув таъминоти ва сув чиқариш хизмати тармоқларидан узиб қўйиш йўли билан ундириш чораларини кўради.

Бундай ҳолларда ёнғиндан сакланиш ва санитария ҳолатлари учун жавобгарлик тўлиқ «Истеъмолчи» зиммасига юклатилади. Сув таъминоти ва оқова сув чиқариш тизимидан илгари узиб қўйилган ҳолларда, уни қайта улашда «Истеъмолчи»дан базавий ҳисоблаш миқдорининг 10 (ўн) баробари миқдоридаги тўлов қайта улашни амалга оширган ташкилот ҳисобига ундирилади;

5.5. Оқова тизимига келиб тушувчи оқова сувининг миқдори, ичимлик сув тармоғидан етказиб бериладиган ичимлик сув миқдориға тенг. Марказлашган иссиқ сув таъминоти мавжуд бўлган ҳолларда, истеъмол қилинувчи ичимлик сув миқдориға оқова сув тармоқлари ҳисоби учун 2,0 коэффиценти қўлланилади. «Истеъмолчи»нинг ўзида сув таъминотининг қурилмалари мавжуд бўлса, оқова сувларининг миқдори ушбу сув қурилмаларининг маҳсулдорлиғига (ўрнатилган ва рўйхатга олинган ҳисоблаш приборларининг кўрсаткичларига) кўпайтирилади. Ички сув таъминоти тизими «Истеъмолчи»нинг шахсий автоном манбаси билан боғлиқ бўлмаслиги лозим.

5.6. Объект эгаси автоном сув таъминоти (кудук, очик сув олиш ҳавзаси, ирригация тизими)га ва (ёки) марказий оқова тизимидан бошқа оқова ташлаш манбаларига эга бўлган ҳолатларда «Сув таъминоти» ташкилоти билан шартнома тузиш учун махсус табиий сув объектларидан махсус сув олиш ёки истеъмол қилиш учун рухсатномани қўшимча равишда тақдим этиши зарур.

5.7. Сув таъминотининг хусусий автоном манбаи (артезиан скважинаси, кудук, очик сув ҳавзаси, ирригация тизими ва бошқалар) мавжуд бўлганда оқова тизимига оқова сувларни оқишиш учун тўловлар ўрнатилган насоснинг ишлаб чиқариш қуввати ёки ўрнатилган ва рўйхатдан ўтказилган ҳисоблаш приборининг кўрсаткичлари асосида амалга оширилади. «Истеъмолчи»га қарашли бўлган автоном сув таъминоти манбаининг ички тизими марказий сув таъминоти тизими билан туташмаган бўлиши шарт.

5.8. Ушбу шартноманинг қуйида келтирилган чораклик, тахминий истеъмол ва тўлов жадвалида белгиланган миқдордан ошикча ичимлик ва оқова сувлари сарф қилинса, у ҳолда бу ўзгаришлар ёзма тушунтириш билан тасдиқланиб, тўлов амалга оширилади. Истеъмолчи томонидан шартномада кўзда тутилган миқдордан ошикча сарфи бўйича тўлов, тасдиқланган жадвал асосида эмас, балки Истеъмолчининг сув ўлчагичидан амалда ўтган ичимлик суви миқдорида амалга оширилади (алоҳида жарима қилинган ҳолатларини истисно этган ҳолда) йил якунида ортиқча сарфга йўл қўйилса, у ҳолда бу ҳақда ёзма тушунтириш берилиши ҳамда сарф қилинган ичимлик ва оқова сувлари учун амалдаги таърифни юқори миқдоридаги тўловларни амалга ошириши лозим.

Йил	1-чорак	Январ	Февраль	Март
2022 йил бюджет ҳисобидан тўлов	2 197 624	797 810	699 907	699 907

VI. Алоҳида шартлар.

6.1. Объект эгаси ўзгарганда, истеъмолчи объектдан чиқиб кетишидан 7 кун аввал мавжуд қарзларини тўлаб, бу ҳақда «Сув таъминоти» ташкилоти билан далолатнома имзолаши шарт. «Истеъмолчи» чиқиб кетгач, сувни ҳисобга олиш прибори, пломбаларнинг бутлиги ва копланмаган дебитор қарздорлик учун жавобгарлик объектнинг янги эгаси зиммасига юкланади.

6.2. Етказиб берилган ёки қабул қилинган ичимлик суви ҳажми қувурнинг ўтказиш қобилиятидан келиб чиқиб, ойнинг календар кунлари ҳисобидан қуйдаги формула асосида ҳисобланади:

$$Q = M \times F \times \sqrt{2g \times H} \times t$$

бунда: М – 0.60 га тенг бўлган зулфин орқали сув сарфи коэффиценти;

F – суюқлик оқиб ўтадиган қувур ёки тешик кесими майдони (ички диаметр бўйича)м²;

g – 9,81 м/сек га тенг бўлган эркин тушиш тезлиги; Н – сувнинг метрлардаги босими;

t – вақт- 24 соат, секундларда.

$$d=50\text{ мм}^2 \text{ сув } 4420 \text{ сум} \times 15984 \text{ мм}^3/\text{о}^4$$

Қушимда қиймат солашди дилдан

Қуйидаги ҳолатларда юқоридаги формула асосида ҳисоб китоб юритилади:

6.2.1. «Истеъмолчи»да сув ўлчаш прибори ва мосламалари йўқ (ёки носоз ҳолатда) бўлган ҳолатларда;

6.2.2. Сув ўлчаш асбоби ёки мосламаси «Сув таъминоти»да рўйхатдан ўтмаган тақдирда;

6.2.3. Ичимлик сувидан ўзбошимчалик билан уланиб, фойдаланганда;

6.2.4. Сув ўлчаш асбоби, мосламаси ишдан чиққан, синган, бузилган ҳолатда, сарфланган сув миқдори сўнгги тузилган далолатнома муддатидан янги сув ўлчаш прибори ўрнатилган (рўйхатдан ўтказилган) кунгача ҳисобланади;

6.2.5. «Сув таъминоти»нинг сув ўлчаш бўғини диаметри катта бўлганида, уни кичикроқ бўлган мосламага алмаштириш тўғрисидаги талабномаси қондирилмаган ва бажарилмаган ҳолатларда;

6.2.6. Сув ўлчаш асбобнинг ҳисоб-китобини олиб бориш бўғинидаги қўйилган ҳимоя қопламига (пломбага) рухсатсиз тегилиш натижасида, ичимлик сув сарфини аниқлаш имконияти чегараланганда;

6.3. Ичимлик ва оқова сув тизимларига (жумладан ёнгиндан сақланиш гидрант ва қувурларига) ўзбошимчалик билан уланиб олинган ва фойдаланилган ҳолатлар аниқланганда «Сув таъминоти» томонидан далолатнома тузилади ва шу тузилган далолатнома ўзбошимчалик билан уланиб олган шахснинг жавобгарлиги даражасини аниқлаш ва «Сув таъминоти»га етказилган зарарни ҳисоблаш учун асос бўлиб хизмат қилади. Бунда:

- тўлов муддати, энг сўнгги тузилган далолатнома санасидан ўзбошимчалик билан уланиб олинган кун санасигача ёки янги сув ўлчаш прибори ўрнатилиб, рўйхатдан ўтказилган кунгача ёки ўзбошимчалик билан уланиш узиб ташланган кунга қадар ҳисобга олинади;

- ўзбошимчалик билан уланиб олинган санадан бу ҳақда маълум бўлган санагача, агар «Сув таъминоти» балансидаги тармоқларга уланиш содир этилган бўлса, бу муддат даъво аризаси ёзилган муддатдан ошмаслиги зарур. Агар ўзбошимчалик билан уланган санани топиш, аниқлаш мумкин бўлмаса, бу муддат даъво муддатига тенг деб олинади.

6.4. Техник шартлар 2 йил муддатга берилади. Белгиланган муддат тугагач буюртмачи (объектни лойхалаштириш ва қуришни бошлаш учун) лойиҳа муддатини чўздириши ёки янги техник шартларни олиши зарур.

Техник шартлари мавжуд бўлмаган ҳолда ёки муддати ўтган ҳолда, «Сув таъминоти» томонидан сув узатиш хизматларини яқунлашга асос бўлади.

6.5. «Истеъмолчи» ичимлик ва оқова сувни тармоқларига уланиш санаси ҳақидаги ҳужжатларни тақдим этмаган ҳолатларда «Сув таъминоти» томонидан ҳоким қарори ва кадастр ҳужжатлари ҳамда шу қабилар асосида ҳужжат билан тасдиқланган уланиш санаси бўйича ҳисоб-китоб қилишга ҳақлидир.

6.6. Ишлатилган ичимлик суви ва қабул қилинган оқова сув учун тўловлар «Сув таъминоти» томонидан тақдим этиладиган тўлов талабномалари асосида уларга хизмат қилувчи банклар орқали амалга оширилади. Бу тўловлар «Истеъмолчи» томонидан 3 кунлик муддат ичида акцептсиз тартибда амалга оширилади. Тўловлар ўз вақтида амалга оширилмаган тақдирда «Сув таъминоти» кечиктирилган тўловнинг ҳар бир куни учун 0,4 фоиз пеня ёзади ва унинг умумий қиймати асосий тўловнинг 50%дан ошмаслиги лозим.

6.7. Оқова тизимига рухсат этилмаган ёмғир ва эркин қор сувлари оқизилаётган, ишлаб чиқариш оқова сувларини «Истеъмолчи»лар томонидан ташлаш тартиби Ўзбекистон Республикаси Вазирлар Маҳкамасининг 2010 йил 3 февраль кунинда қабул қилинган 11 сонли қарори билан тасдиқланган “Ишлаб чиқариш оқова сувларини қабул қилиш қоидалари” ҳамда ифлослантирувчи моддаларнинг Ўзбекистон Республикаси шаҳарлари ва бошқа аҳоли пунктларининг оқова тармоқларига нормативдан ортиқча оқизилганлиги учун «Истеъмолчи»ларга белгиланган тарифга нисбатан 3 (уч) баробар ортирилувчи коэффицент миқдор тартибда ҳисобланади. Истеъмолчида Ўзбекистон Республикаси Вазирлар Маҳкамаси 2010 йил 03 февралдаги № 11 сонли Қарори бўйича белгиланган концентрация миқдори ҳақидаги коммунал-экологик норматив ҳужжат бўлиши керак

6.8. Оқова сувни чиқариб юборишнинг ҳажми ва таркиби бўйича меъёрлар билан белгиланган оқизишнинг йўл қўйиладиган чекланган миқдоридан ортиқча оқова сувлар ва ифлослантирувчи моддаларнинг чиқариш тақиқланади.

6.9. Ифлослантирувчи моддаларни нормативдан ортиқча оқизганлик учун компенсация тўловларини ҳисоблаб ёзиш тартиби Ўзбекистон Республикаси Вазирлар Маҳкамасининг 2021 йил 12 апрелдаги “Ўзбекистон Республикаси ҳудудида атроф табиий муҳитни муҳофаза қилишнинг иқтисодий механизмларини янада такомиллаштириш тўғрисида”ги 202-сон қарорига мувофиқ амалга оширилади.

6.10. Ишлаб чиқариш оқова сувларини қабул қилиш қоидалари ҳамда ифлослантирувчи моддаларнинг Ўзбекистон Республикаси шаҳарлари ва бошқа аҳоли пунктларининг оқова тармоқларига нормативдан ортиқча оқизилганлиги учун компенсация тўловларини ҳисоблаш тартиби асосида амалга оширилади, дебитор қарздорлик тўланмаган тақдирда «Истеъмолчи» оқова тармоқларидан узиб қўйилади.

6.11. Ҳисоб-китобнинг нотўғри қилинганлиги (тарифларнинг нотўғри ҳисобига олинганлиги ва шу қабил ҳолатлар) тўғрисида «Истеъмолчи» ёзиладиган эътирознома тўлов ҳужжати олингандан кейин 5 кун муддатда «Сув таъминоти»га тақдим этилиши керак. Эътирознома «Истеъмолчи»ни тўлов талабномаси ва ҳужжатида кўрсатилган суммани тўлиқ ва белгиланган муддатда тўлашдан озод қилмайди.

VII. Низоларни ҳал этиш тартиби

7.1. Тарафлар ўртасида шартнома юзасидан келиб чиққан низолар, келишув йўли билан ҳал қилинади.

Агарда икки томонлама келишувга эришилмаса, низолар Ўзбекистон Республикаси қонунчилигига мувофиқ жавобгар давлат рўйхатидан ўтган ҳудуддаги суд органларида кўриб чиқилади.

7.2. Ушбу шартномада белгиланган ҳолатлар юзасидан низо келиб чиққан тақдирда Қонунчиликда белгиланган тартибда ҳал қилинади.

VIII. Форс – мажор

8.1. Агар ушбу шартнома бўйича мажбуриятлар қисман ёки тўлиқ бажарилмаслиги табиат ходисалари ва бошқа энгиб бўлмайдиган куч (форс мажор) ҳолатлари (зилзила, сув тошқини, ёнгин, сел, дўл, жала ва бошқа табиий офатлар) натижасида келиб чиқса ва агар бу ҳолатлар музкур шартноманинг бажарилишига бевосита таъсир этса, томонлар бундай бажармаслик учун жавобгарликдан озод этиладилар.

Мазкур шартнома бўйича мажбуриятларни бажариш муддати енгиб бўлмайдиган куч ҳолатлари амал қилган, шунингдек, ушбу ҳолатлар юзга келтирган вақтга мутаносиб равишда узайтирилади.

8.2. Форс-мажор ҳолати мавжуд бўлган томон 3 кун ичида бошқа томонни форс-мажор ҳолати бошланган муддатларни кўрсатган ҳолда ёзма равишда огоҳлантириши лозим.

8.3. Агар форс-мажор ҳолатининг шартнома шартларини бажаришга уч ойдан кўп муддат тўсқинлик қилса, томонлардан бири шартномани бекор қилиш ҳуқуқига эга.

IX. Шартноманинг амал қилиш муддати

9.1 Ушбу шартнома икки нусхада тузилган бўлиб, икки тарафда бир нусхадан сақланади.

9.2 Шартнома газначилик бўлинмаларида рўйхатга олинган кундан бошлаб кучга кирази ва 2022 йилнинг 31 декабригача амал қилади.

Ушбу шартнома Ўзбекистон Республикаси Президентининг 2021 йил 14 сентябрдаги “Шартномавий муносабатларни тубдан такомиллаштириш чора-тадбирлари тўғрисида”ги ПФ-6313-сон Фармон ижросини таъминлаган ҳолда фармон талабларидан келиб чиқиб ишланган.

X. Тарафларнинг юридик манзили:

«СУВ ТАЪМИНОТИ»

«Бухоро сув таъминоти» МЧЖ Бухоро шаҳар ияли

Манзил: Бухоро шаҳар Ибн Сино кўчаси 111 уй

Тел: 65-221-13-08, факс 65-221-13-08

х/р 22638000300309412330

Банк АТИБ Ипотека банк Бухоро филиали

МФО 00088 СТИР 201513859

Рахбар:

Б.Т.Темиров



«ИСТЕЪМОЛЧИ»

Бухоро вилояти АЙХББ

Манзили: Бухоро ш.Ғиждувон кўчаси 272

Телефон: 228-50-03, 228-50-18

Ш.х/р: 304510860064017045193118001

Бюджетдан маблағ олувчи СТИР 201188890

ОКОНХ 97400 Бухоро вилоят Ғазначилик бошқармаси

Ғазна х/р 23402000300100001010

Банкнинг номи: Тошкент ш. Марказий банк ХХКА

МФО 00014 СТИР ғ/б.си 201122919



Юридик хулоса:

Ушбу шартнома Ўзбекистон Республикаси Фуқарорлик кодексига ва Ўзбекистон Республикаси “Хўжалик юритувчи субъектларнинг шартномавий-ҳуқуқий базаси тўғрисида”ги Қонун талабларига мувофиқ тузилган, уни имзолаб, амалда фойдаланса бўлади.

Юристъ:

Х.Шаропов

«25» 01 2022 й.